

Cinamomi *vs.* Ung. mische es alles vnter einander/ vnd lasse es vier Wochen in balneo digerirn, so ist es bereitet.

Es ist nicht zu sagen/ wie es in den faulen hitzigen Fiebern die Hitze löschet/ treibet den Schweiß vnd Harm/ machet dem Magen einen appetit zum Essen/ vnd widerstehet dem Gifft/ davon nimt man 2. 3. oder 4. Loth/ nach Gelegenheit der Person.

Spiritus Salis  
compositus.

Es kan der Spiritus Salis noch auff eine andere Art gemacht werden/ nemlichen von zweyerley Salien zusamen gesetzt/ der ist in der Artzney viel kräftiger als der vorige/ solviret auch die metalla viel geschwin-  
der/ als der Spiritus simplex, er wird aber also bereitet:

Nim geflossen Sals vnd des reinsten Salpeters jedes 2. Pfund/ stosse es wol vnter einander/ vnd knete es vnter Löffers Dohn/ wie bey dem vorigen Proceß vermeldet worden/ vnd destillire gleicher Gestalt wie zuvor.

Wens nun alles herüber destilliret ist/ so nim des rectificirten Spi-  
ritus ein Pfund/ darinn solvire acht Loth g. flossen Sals/ lasse es einen Tag oder etliche digerirn, alsdenn destillire es mit einander herüber/ so wird das Sals mit herüber steigen/ vnd der Spiritus viel kräftiger werden als der erste/ vnd also kan man mit diesem Proceß den spiritum mehrer/ wie oft vnd viel man wil/ alsdenn scheidet man die phlegma per balne-  
um davon/ vnd den spiritum rectificirt man durch eine Retorten, so ist er bereitet/ vnd zu allen Arbeiten vnd Arzneyen bequem/ wie er denn alle metalla alsobald aufschleusst/ vnd thut in allen Kranckheiten das seine mit Verwunderung/ wenn man dessen nimt zwey Loth/ setz ihm drey Loth spiritus vini zu/ digerirt es mit einander/ so vereinigen sie sich mit einander/ daß sie hernach nicht wieder können gescheiden werden.

Ufus.

Vnd dieser Spiritus ist ein sonderlicher Tropf den Wassersüchtigen inner- vnd äußerlichen gebrauchet/ äußerlich den ganzen Leib damit geschnieret/ er treibet die flatus mächtig/ also/ daß mans zuhohend spüren kan/ daß also der Leib ganz davon erweicht wird/ vnd wenn er innerlich darnach eingenommen wird/ so treibet er die Feuchtigkeiten durch den Harm hinweg/ mit großem Hauffen/ doch ohne alle Beschwerung des Leibes/ welches andere Medicamenta nicht leicht thun werden.

Wie er